

Alkitab Buat Bocah Nampilin



Greja
Ngadepin
Kesulitan



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.


Perijinan: Enté boleh ngegandain atau nyetak ini cerita,
selama enté kagak ngejualnya.




Lima puluh ari abis Yesus Anak Allah bangkit dari mati, Roh Kudus dateng supaya netep di dalem pengikut-pengikutNya. Meski murid-muridNya kaga ngarti pegimana Allah Bapa, Allah Anak (Yesus) ama Allah Roh Kudus bisa jadi satu Allah, mereka girang punya Allah bareng-bareng ama mereka. Allah ngerjain hal-hal nyeng luar biasa buat nulungin rasul-rasul bilang sama orang laen soal Yesus.



Orang-orang nyeng percaya ama Yesus ngebagi-bagiin apa aja nyeng mereka punya buat kepedulian mereka sama orang-orang miskin. Tapi ada pasangan laki-bini nyeng namanya Ananias ama Safira kaga jujur. Mereka ngejual tanah dan pora-pora ngasih semua duitnya buat para rasul. Ngumpet-ngumpet, mereka nyimpen sebagian duitnya buat diri mereka dewek.






"Ngapah setan menuhin atimu supaya bohong sama Roh Kudus?"

Tanya Petrus sama Ananias. "Kamu kaga bohong sama manusia tapi sama Allah." Lantas Ananias jatuh dan narik nafas terakhir. Terus anak-anak muda ngebrengkos dia, ngebawanya keluar dan nguburin dia.



Selang berapa lama, Safira masuk, kaga tau kalo lakinya udah mati. Dia juga bohong tentang duit itu dan hal nyeng sama juga terjadi ama dia. Kegentaran nyeng gede terjadi pada semua nyeng ngedenger peristiwa ini.



Allah roh Kudus
bikin banyak
tanda-tanda
ama
keanehan-keanehan
liwat para rasul.
Contohnya kaya,
orang nyeng sakit jadi
bae pas bayangan


Petrus kena mereka.



Itu wayahnya
keanehan gede
terjadi, ngebuktiin
kalo Allah ada.
Makin banyak lagi
orang nyeng percaya
ama Yesus. Ini bikin
imam penggede marah
bangat. Mereka

ngejeblosin rasul-rasul
ini ke dalem
bui.






Tapi pas malem ari seorang Malekat Tuhan ngebukain pintu-pintu bui dan ngebawa mereka keluar, dan bilang, "Pegih, dirilah dalem bait dan ngomong sama semua orang semua Sabda


nyeng idup." Para rasul itu pegih keluar dan mulain kotbah soal Yesus. Pas pagi ari pengikut-pengikut imam penggede nemuin bui udah kosong.



Pas akhirnya dia nemuin mereka, imam penggede itu marahin para rasul. "Bukannya kami ngelarang kamu sangat keras supaya kaga ngajar dalem Nama ini?" "Kami kudu lebih patuh sama Allah daripada manusia," Petrus ama para rasul nyeng laen ngejawab. Imam penggede itu marah banget, dia pengen ngebunuh para rasul itu. Malahan dia nyuruh buat mukulin mereka dan dilepasin. Meski mereka sengsara, para rasul itu nurutin Allah dan ngebawa Yesus dalem kotbah.



Satu ari seorang laki-laki nyeng namanya Stefanus ditangkep. Stefanus bener-bener sayang ama Yesus. Roh Kudus make dia buat ngomong sama orang-orang laen soal Yesus. Sebagian orang pada boong, bilang kalo Stefanus ngomong soal ngelawan Allah. Seabis pengadilan nyeng pora-pora, Stefanus ditimpug pake batu sampe mati sebab imannya di dalem Yesus.



Sebelumnya dia mati, Stefanus nyeng penuh sama Roh Kudus, ngeliat ke sorga dan ngeliat kemuliaan Allah dan Yesus berdiri di sebelah kanan Allah.

Selagi mereka nimpugin dia pake batu dia sembahyang kepada Allah dan bilang, "Tuhan Yesus terima rohku."



Lantas, kaya Yesus di atas salib,
orang nyeng brani ini make
nafas terakhirnya
buat sembahyang
supaya Tuhan
ngampunin
nyeng
ngebunuh
dia.



Matinya Stefanus mulain adanya suasana baru penyeksaan. Seorang anak muda nyeng namanya Saulus nulungin pembunuhan Stefanus nangkepin orang kresten nyeng bisa dia temuin. Banyak orang pada ngungsi dari rumah mereka dan mereka pada nyebar sampe Yudea ama Samaria. Cuman para rasul nyeng



netep di Yerusalem.



Meski musuh-musuh mereka nyoba buat ngebunuh mereka, mereka nyeng pada nyebar kemana-mana nyeritain kabar bae soal Yesus. Kaga ada nyeng bisa ngebrentiin pengikut Yesus, karna Allah Roh Kudus netep di dalem mereka dan begawe liwat mereka.



Greja Ngadepin Kesulitan


Sebuah cerita dari perkataannya Tuhan, Alkitab

Ditemuin di

Kisah Para Rasul 5-7

"Palang pintu Firman Engkau ngasih terang."
Mazmur 119:130





| 56

||||| 60



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

